

# Glór Cheatharlach

Gach eolas ar imeachtaí Gaeilge ó:  
Glór Cheatharlach, Sráid an Choláiste, Ceatharlach  
(059) 9158105 / (085) 1340047  
eolas@glorcheatharlach.ie www.glorcheatharlach.ie  
Cuardaigh Glór Cheatharlach ar Facebook!

## Ciorcail Ghaeilge do dhéagóirí Gaeilge sa Mhúsaem

Tá sé fógartha ag Glór Cheatharlach go reachtál-far Ciorcail Chomhrá Iarscoile do mhic léinn an Teastais Shóisearaigh agus na hArdeistimeireachta i gCeatharlach arís an fóimhar seo. Díreoidh na ciorcail orthu siúd atá ag lorg deiseanna breise chun Gaeilge a labhairt go neamhfhoirmiúil lasmuigh den seomra ranga. Cuireann mic léinn fáilte roimh gach deis agus iad ag iarraidh barr feabhais a chur ar a gcuid Gaeilge labhartha go háirithe anois agus daichead fán gcéad de mharcanna an ábhair ins na scrúduithe stáit ag dul don bhéaltriall.

Beidh na ciorcail chomhrá ar siúl ó 4.30-5.30i.n. in Ionad Pobail Darach Nua. Tiocfaidh daltaí i mbliain 1-3 le chéile gach Luan ag tosnú ar an 21ú Meán Fómhair agus cuirfear fáilte roimh na sinsir i mbliain 4-6 gach Máirt ón 22ú Meán Fómhair ar aghaidh. Beidh múinteoirí Gaeilge cáilithe i bhfeighil na gCiorcail.

Níl ach táille €20 ar an gcúrsa don téarma iomlán go dtí an Nollaig. Bhí na ciorcail lán anuraidh agus

mar sin ní foláir áiteanna a chur in áirithe gan mhoil. Tabharfar tús áite don chéad 20 iarratas i ngach ciorcal. Chun tuilleadh eolais a fháil agus clárú is féidir dul i dteagmháil le Glór Cheatharlach, Sráid an Choláiste, Ceatharlach. Teil 059 9158105, 085 1340047 nó seol rphost chuig eolas@glorcheatharlach.ie

**Gluais:**  
fógartha  
ciorcal comhrá  
iarscoil  
deiseanna  
comhrá  
feabhas  
táille  
tús áite  
iarratas  
clárú

**Glossary:**  
announced  
conversation circle  
afterschool  
opportunities  
conversation  
improve  
fee  
preference  
application  
register

Tá an Ciorcal Gaeilge do dhaoine fásta i Músaem Cheatharlach ar Shráid an Choláiste ag fillleadh ar ais an tseachtain seo tar éis bhri-seadh an tsamhraidh. Beidh na ciorcail dar teideal "Is Leor Beirt" ar siúl amárach, 9ú Meán Fóm-

hair, agus gach maidin Céadaoin ó 10.30-11.30n. agus cuirfear fáilte roimh chách. Beidh tae agus caifé ar fáil saor in aisce.

Ní gá a bheith líofa chun taitneamh a bhaint as caint, comhrá agus comhlúadar trí Ghaeilge agus cuirtear fóirchoain fáilte roimh dhaoine nua i gcónaí. Is deis iontach é an teacht le chéile seachtainiúil seo chun an Ghaeilge a labhairt go sóisialta agus chun aithne a chur ar chain-teoirí Gaeilge eile sa cheantar. Cuirfear fáilte faoi leith roimh fhoghlaimoirí atá chun tabhairt faoi Cúrsa Gaeilge an fóimhar seo agus tabharfar gach deis dóibh an teanga a chleachtadh i dtimpeallacht chomórdach agus neamhfhoirmiúil. Mar sin buail isteach chuig Gaeilge sa Mhúsaem i rith an téarma seo..

**Gluais:**  
daoine fásta  
ag fillleadh  
deis  
taitneamh  
foghlaimoirí  
timpeallacht  
sóisialta

**Glossary:**  
adults  
returning  
opportunity  
enjoy  
learners  
environment  
socially



Ciorcal Gaeilge sa Mhúsaem



An Klondike ar TG4

## Sceideal an Fhómhair ar TG4

Beidh siamsaíocht, stair, spórt agus spraoi ar fáil go flúirseach i gclársceideal an fhómhair ar TG4 de réir an eolais a foilsíodh an tseachtain seo caite. I measc na míreanna is tarraingte ann tá léargas nuálach ar ghnéithe rúnda agus folaithe de shaol na hÉireann, beochraoladh eisiach ar na cluichí Gaelacha, rogha iontach abhair do dhaoine óga agus seirbhís nuachta agus cúrsaí reatha atá éagsúil agus suimiúil.

Ar na buaicphointí sa sceideal nua tá mór-shraith nua drámaíochta Gaeilge dar teideal 'An Klondike' ina leantar scéal triúr deartháir as Conamara agus iad i ngleic le saol achrannach na mianadóireachta óir in Alaska. Is iomaí cor crua sa saol agus ní fada gur in aighneas lena chéile atá siad faoin ór céanna. Is i dtuaisceart Chonamara a deineadh an mór-thogra scannánaíochta seo a taifeadh agus tá cuma Alaska air go fírinneach.

Tá an sobalchlár Ros na Rún ar ais don 20ú séasúr agus beidh rogha leathan scannáin ar an sceideal chomh maith. Sraith

nua ceol traidisiúnta, taifeadta le gean agus le samhlaíocht fhísiúil a bheidh in 'Hup'. Is iad an ceol, na ceoltóirí agus an t-ionad bun agus barr na gclár seo. Níl láithreoir ná caint ar bith i gceist.

Don chéad bhliain riamh tá TG4 chun aghaidh a thabhairt ar 'Junior Eurovision' a reachtáil. Seo comórtas sóisear chun amhrán nua-chumtha Gaeilge a aimsiú le bheith san iomaíocht ag an gCraobh Eorpach a bheidh ar siúl sa Bhulgáir ag deireadh Mhí na Samhna. Beidh Niamh Kavanagh, Stiofán Ó Fearáil agus Eoghan McDermott i measc na moltóirí ar an mbabhta náisiúnta agus déanfar an Chraobh Eorpach a chraoladh beo. Beidh 'An Jig Gig' ar ais le scoth-dhamhsóirí sa tóir ar an duais mhór.

Leanfar le scoth na gclár spórt agus beidh beochraoladh eisiach go minic ar TG4. Is cinnte go mbeidh GAA Beo, Rugbaí Beo agus Laochra Gael san áireamh.

I measc na sraitheanna rathúla ar ais beidh Béaloideas Beo, Imeall, Róisín agus Comhrá. Beidh an tseirbhís nuachta agus cúrsaí

reatha ag caitheamh Súil Eile i gcónaí ar chúrsaí sa bhaile agus i gcéin i slí atá éagsúil agus difriúil. Mar is gnáthach cuirfear rogha iontach cláir do dhaoine óga ar fáil. Beidh páistí faoi dhraíocht le Cúla 4 na nÓg ag am bricfeasta do pháistí réamhscoile agus beidh Cúla 4 do pháistí bunscóile ar siúl san iarnóin.

Dá bhí sin pé saghas cláir a bheidh á lorg agat beidh siad go léir ar fáil ar TG4 an fóimhar seo. Is féidir féachaint ar na cláir beo nó leis an Aip TG4 is féidir féachaint siar ar an seinnteoir ar ábhar craolta. Seirbhís agus cláir den scoth ar TG4 - Súil Eile!

**Gluais:**  
sceideal  
buaicphointí  
sraith  
mianadóireacht  
samhlaíocht  
sobalchlár  
cúrsaí reatha  
rogha  
eisiach  
iarnóin  
seinnteoir

**Glossary:**  
schedule  
highlights  
series  
mining  
imagination  
soap  
current affairs  
choice  
exclusive  
afternoon  
player



## "Ros na Rún" ar ais

Cuireadh tús an tseachtain seo caite le séasúr nua den tsraith drámaíochta teilifíse "Ros na Rún" ar TG4.

Tá an tsraith lonnaithe i gceantar tuaithe in iarthar na hÉireann. Seo é an 20ú bliain den tsraith rathúil a bhfuil gean an lucht féachana aici go fóill.

Gabhann na snáitheanna scéil le grá, brón, bréaga agus scéalta i nGaeltacht nua-aimseartha, comhaimseartha. Bíonn fadhbanna móra sóisialta chomh maith le gnáth-chúrsaí an tsaoil ó lá go lá faoi chaibidil le giúmar, spraoi agus léargas.

Is é "Ros na Rún" an t-aon sobaldráma a chraoltar trí Ghaeilge agus cosúil le gach sobaldráma eile bíonn saol na gcarachtar difriúil ó shaol an ghnáth duine lena gcuid fealltóireachta, trioblóidí, rúin agus go leor uisce faoi

thalamh. Is é an meascán iontach sin d'ábhair a choiméadann an lucht féachana dílis agus dírithe ar an scáileán cúpla uair gach seachtain.

Comhléiriúchán de chuid Eo Teilifís agus Tyrone Productions is ea "Ros na Rún". Craoltar cláir tríocha nóiméad ar TG4 gach oíche Mháirt agus Déardaoin ag 8.30i.n agus bíonn ollchlár gach Domhnach ag 10.30i.n. Ná caill é an séasúr seo!

**Gluais:**  
séasúr  
sceideal  
sraith  
lonnaithe  
rathúil  
snáitheanna  
comhléiriúchán  
fadhbanna  
ollchlár

**Glossary:**  
season  
schedule  
series  
based  
successful  
storylines  
co-production  
problems  
omnibus